



Broj: 01/5-02-2442-2/25
Sarajevo, 15. 1. 2026. godine

Primljeno: 16-01-2026			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Komisija za sigurnost Predstavničkog doma Parlamenta Federacije Bosne i Hercegovine (u daljnjem tekstu: Komisija) održala je 13. sjednicu u četvrtak, 15. 1. 2026. godine, kojoj je prisustvovalo sedam (7) članova Komisije, tako da su ispunjeni uslovi za punovažan rad u pogledu kvoruma i odlučivanja. Prema jednoglasno utvrđenom dnevnom redu, Komisija je razmatrala:

1. Usvajanje zapisnika sa 12. sjednice,
2. Prijedlog zakona o izmjeni i dopunama zakona o policijskim službenicima Federacije Bosne i Hercegovine - hitni postupak,
3. Prijedlog zaključaka sa zajedničke Tematske sjednice radnih tijela Parlamenta FBiH uz podršku Misije OSCE-a u BiH „Sistemski odgovor na nasilje u porodici i nasilje prema ženama u FBiH, uključujući i pitanja sistemskog odgovora na slučajeve trgovine ljudima“ održane 19. 11. 2025. godine.

Na osnovu člana 44. stav 2., a u vezi s članom 61. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1 Usvajanje zapisnika sa 12. sjednice Komisije

Zapisnik sa 12. sjednice Komisije jednoglasno je usvojen.

Ad-2 Prijedlog zakona o izmjeni i dopunama zakona o policijskim službenicima Federacije Bosne i Hercegovine - hitni postupak

Nakon usmenog izlaganja ministra Federalnog ministarstva unutrašnjih poslova gosp. Rame Isaka po predmetnoj tački i sveobuhvatne rasprave Komisija za sigurnost Predstavničkog doma Parlamenta Federacije BiH sa četiri (4) glasa za, tri (3) glasa protiv i bez suzdržanih glasova nije podržala prijedlog predsjednika Komisije, da članovi Komisije daju podršku na Prijedlog zakona o izmjeni i dopunama zakona o policijskim službenicima Federacije Bosne i Hercegovine - hitni postupak uz ubavezu da Vlada Federacije BiH prihvati Amandman na Prijedlog zakona o izmjeni i dopunama zakona o policijskim službenicima Federacije Bosne i Hercegovine broj: 01-02-2303/25 od 12.12.2025.godine.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Nakon sveobuhvatne rasprave svih prisutnih članova, Komisija je jednoglasno donijela sljedeći:

ZAKLJUČAK

Komisija za sigurnost Predstavničkog doma predlaže Predstavničkom domu PFBiH da zaključkom zaduži Vladu FBiH da pokrene izradu novih Zakona o unutrašnjim poslovima Federacije Bosne i Hercegovine i Zakona o policijskim službenicima Federacije Bosne i Hercegovine.

O sljedećem zaključku Komisija će tražiti izjašnjenje Predstavničkog doma Parlamenta Federacije Bosne i Hercegovine.

ZAKLJUČAK

Predstavnički dom Parlamenta Federacije BiH zadužuje Vladu Federacije BiH da pokrene izradu novih Zakona o unutrašnjim poslovima Federacije Bosne i Hercegovine i Zakona o policijskim službenicima Federacije Bosne i Hercegovine.

Ad-3 Prijedlog zaključaka sa zajedničke Tematske sjednice radnih tijela Parlamenta FBiH uz podršku Misije OSCE-a u BiH „ Sistemski odgovor na nasilje u porodici i nasilje prema ženama u FBiH, uključujući i pitanja sistemskog odgovora na slučajeve trgovine ljudima“ održane 19. 11. 2025. godine

Nakon sveobuhvatne rasprave svih prisutnih članova, Komisija je jednoglasno donijela sljedeći:

ZAKLJUČAK

Komisija za sigurnost Predstavničkog doma Parlamenta Federacije BiH podržava Prijedlog zaključaka sa zajedničke Tematske sjednice radnih tijela Parlamenta FBiH uz podršku Misije OSCE-a u BiH „ Sistemski odgovor na nasilje u porodici i nasilje prema ženama u FBiH, uključujući i pitanja sistemskog odgovora na slučajeve trgovine ljudima“ održane 19. 11. 2025. godine, kako slijede:

- Nalaže se nadležnim ministarstvima pravde, unutrašnjih poslova, socijalne politike i zdravstva Federacije Bosne i Hercegovine (Federacije BiH) da hitno finaliziraju i usvoje preostale podzakonske akte relevantne za provedbu Zakona o zaštiti od nasilja u porodici i nasilja nad ženama iz 2025. godine.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES


- Nalaže se nadležnim ministarstvima pravde, unutrašnjih poslova, socijalne politike i zdravstva Federacije BiH da u skladu sa svojim obavezama propisanim Zakonom o zaštiti od nasilja u porodici i nasilja prema ženama u Federaciji BiH i, u koordinaciji i saradnji sa kantonalnim ministarstvima, osiguraju standardiziranu i kontinuiranu obuku i širok obuhvat profesionalaca koji postupaju u slučajevima nasilja u porodici i nasilja prema ženama. Ovo uključuje razvoj i usvajanje programa obuka i definisanje pratećih budžetskih linija koje će omogućiti njihovu redovnu provedbu.
- Nalaže se nadležnim ministarstvima pravde, unutrašnjih poslova, socijalne politike i zdravstva Federacije BiH da u koordinaciji i saradnji sa kantonalnim ministarstvima, hitno osiguraju neophodne ljudske i finansijske resurse za pružanje efikasnog institucionalnog odgovora na nasilje u porodici i nasilje prema ženama i time osiguraju puno provođenje relevantnih zakona i politika.
- Nalaže se nadležnim ministarstvima pravde, unutrašnjih poslova, socijalne politike i zdravstva Federacije BiH da u saradnji sa kantonalnim vlastima, pripreme informaciju o potrebnim koracima za unapređenje internih institucionalnih mehanizama odgovornosti u postupanju u slučajevima nasilja u porodici i nasilja prema ženama, uključujući pregled postojećih mehanizama i koordinacijskih struktura kao i moguće opcije za unapređenje ovih postupaka.
- Nalaže se nadležnim ministarstvima pravde, unutrašnjih poslova, socijalne politike i zdravstva Federacije BiH da u koordinaciji i saradnji sa kantonalnim ministarstvima, uspostave dodatne ili unaprijede postojeće metode provjere psihofizičkog stanja policijskih službenika, i to tokom procesa zapošljavanja, tokom trajanja obavezne obuke sa stručnim mišljenjem nadležne ustanove po završetku obuke o psihofizičkom profilu kadeta, ali i tokom cijelog trajanja radnog odnosa, a sve u cilju prevencije ili otkrivanja nasilničkih i drugih kriminalnih ponašanja kod policijskih službenika.
- Nalaže se Vladi Federacije BiH, da u saradnji i koordinaciji sa kantonalnim vladama, pripremi informaciju o zakonodavnim, institucionalnim i proceduralnim koracima koje je potrebno poduzeti ka osiguranju dostupnih i kvalitetnih usluga podrške žrtvama i svjedocima te, specijalizovanih usluga za žrtve nasilja u porodici i nasilja prema ženama, kao i za djecu žrtve i svjedoke krivičnih djela nasilja u porodici i nasilja prema ženama. Ovo uključuje usluge sigurne kuće, psihosocijalnu podršku, pravnu pomoć, programe profesionalne obuke i zapošljavanja, te privremeno finansiranje osnovnih životnih potreba do potpune reintegracije u društvo.
- Nalaže se Vladi Federacije BiH da u hitno pripremi i uputi u parlamentarnu proceduru Zakon o izmjenama i dopunama Zakona o inspekcijama Federacije BiH i srodne propise, s ciljem osiguravanja finansijskih i kadrovskih kapaciteta za uspostavljanje inspekcijaskog nadzora nad uslugama i institucijama u oblasti socijalne zaštite.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

- Nalaže se Vladi Federacije BiH da hitno pripremi i uputi u parlamentarnu proceduru prijedlog Zakona o socijalnim uslugama Federacije BiH kojim se uspostavlja ujednačen, profesionalizovan i održiv sistem socijalnih usluga, s posebnim naglaskom na uspostavljanje standarda, kadrovskih i finansijskih kapaciteta za pružanje kvalitetnih, dostupnih i sigurnih usluga djeci i ženama žrtvama nasilja, eksploatacije i drugih oblika ranjivosti.
- Nalaže se Vladi Federacije BiH da poduzme korake ka uspostavljanju kriznog (privremenog) smještaja ili sigurnih kuća (skloništa) za djecu žrtve nasilja i trgovine ljudima, te da, u saradnji s kantonalnim vladama, osigura adekvatne smještajne kapacitete i dugoročne programe podrške za djecu žrtve krivičnih djela.
- Nalaže se Vladi Federacije BiH da u saradnji i koordinaciji sa kantonalnim vladama, sačini izvještaj o potrebama uspostavljanja Odjeljenja za smještaj i rad s djecom s poremećajima u ponašanju u lokalnim zajednicama.
- Nalaže se Vladi Federacije BiH da hitno usvoji Akcioni plan za sprovođenje Strategije suprotstavljanja trgovini ljudima BiH 2024-2027 za institucije Federacije BiH uz osiguranje finansijskih sredstva za njegovu realizaciju.
- Nalaže se Vladi Federacije BiH da hitno pripremi i u parlamentarnu proceduru uputi Zakon o izmjenama i dopunama Krivičnog zakona Federacije BiH, kojim će se:
 - proširiti radnje izvršenja i oblici eksploatacije u okviru krivičnog djela trgovine ljudima;
 - propisati posebno krivično djelo trgovine djecom; te
 - dopuniti odredbe o sigurnosnim mjerama na način da se za počinitelje krivičnih djela počinjenih na štetu polnog integriteta djeteta izriče obavezna, trajna zabrana obavljanja poziva, aktivnosti ili funkcije koje uključuju neposredan kontakt sa djecom.

U skladu s članom 53. Poslovnika Predstavničkog doma za izvjestioca je određen Dragan Mioković, predsjednik Komisije.



PREDSJEDNIK KOMISIJE
Dragan Mioković